

2

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 10 1941

T 3237/4632.83



梧州府志卷之一

輿地志總序

星野 風俗

沿革 物產

疆域 關梁

山川 古蹟

易曰仰以觀於天文俯以察於地理天下之圖經莫大乎是是以史書必兼志之而郡志為一方之籍例與史異天道遠而難知則地理其最要矣漢書地理志所載分野始詳而必包舉山川土地風物以為言豈徒區區疆索間哉梧地近東粵其氣候亦畧相似而廣谷大川崇山高壘有天設之險首列雄都以為粵西門戶於是談形勝者曰大雲山台峙其後桂水大江滙其前左阜民右石英冲

哈佛大學漢和圖書館珍藏印



霄朝拱龍洲關鎖三湘五羊且并恃爲衝要矣然而其地無東海魚鹽之利其產無珠香象犀玳瑁之奇惟志稱里人質直好信士大夫貴節尙氣坊廂之間彬彬如也民俗之淳視中州何異乎且古風猶有存者志輿地

梧州府志卷之一

輿地志

星野

封域分星肇自周官保章氏甘石以降迄淳風一行說愈備然求諸郡邑間輒渺茫無據粵西分野屬牛女者同揚州屬翼軫者同荊州古今聚訟至國朝周天易覽其說始定蓋天象無古今之異而談天之家推天之器徃徃後勝於前恆星歲進中氣過宮非天自爲天而歲自爲歲也推測之精其在斯乎并搜次著於篇



史記牽牛婺女分野在今之蒼梧

晉書十二次度數自南斗十二度至須女七度爲星紀於辰在丑吳越分野自張十七度至軫十一度爲鶉尾於辰在巳楚分野

唐書翼軫初張十五度餘千七百九十五杪二十二太中翼十二度終軫九度自房陵白帝東盡漢南郡江夏東達廬江南部濱彭蠡西得長沙武陵又逾南紀盡鬱林合浦地自沅湘上流西達黔安左皆全楚分自富昭象繡白容廉州以西亦鶉尾墟又斗牽牛初南斗九度餘千四十二杪十二太

中南斗二十四度終女四度自廬江九江負淮水南盡臨淮廣陵至於東海又逾南河得漢丹陽會稽豫章西濱彭蠡南涉越門訖蒼梧南海逾嶺表皆星紀分古吳越羣舒廬桐六蓼又東南百越之國南斗在雲漢下流當淮海間爲吳分牽牛去南河寔遠自豫章迄會稽南逾嶺徼爲越分

宋蔡戡分野論曰分野之說肇自黃帝星文之學源於甘石所從來遠矣遷固范爽以牛女爲吳越分翼軫爲荆楚分凡欲知星文所係先考郡國所屬方少康庶子之封爲越國也都於會稽其後勾



踐又以會稽霸閩王搖趙陀之王也一都東甌一都番禺其地皆北接吳境故前代多吳越並稱而史或謂之揚粵以越亦揚州分也凡謂牛女爲吳越分野並屬揚州者皆指越東界以累世立國之地言至兩漢志遂併以鬱林蒼梧所屬在粵西界者盡爲牛女分野則差之毫釐謬以千里矣所以杜佑作通典歐陽文忠公志唐書東坡先生圖指掌皆以爲前史之誤且史趙佗帝制之時東西萬餘里而一行三河兩戒圖之說則以爲自江源循嶺嶠南東及海皆蠻越地蓋粵疆最廣自古謂之

百粵雖東極會稽而西則抵西南之界其東北界雖接吳而其西北實抵楚列宿在天所主之分野隨方所向皆當逾海際天而後止周禮東南爲揚州正南爲荆州其接吳者爲揚州則星紀之分並在東南方也固不應罄折而西轉以抵正南之方荆楚之界而并爲星紀之分野也且翼軫所向正南之方亦不應至始安而終止而始安以南遽屬斗牛之分也通典之說曰按荆州南境至衡山之陽若五嶺之南在九州封域則以鄰接宜屬荆州豈有舍荆州而屬揚斯不然矣此則近史之言也



其大槩以嶺南之地分野所屬其西界當屬荊州翼軫之次耳唐書天文志曰後世之言星分者據漢書地理推之是守甘石之遺術而不知變通之數東坡指掌圖中其天象分野圖亦援唐志之說以爲證而唐書地理志則以韶廣康端封梧藤羅雷崖以東爲星紀分桂鬱林富昭蒙龔繡容白羅以西爲鶉尾分又一行禪師用李淳風之說以分野圖云自韶廣康封梧藤羅雷州南及珠崖自北以東爲星紀其西北屬鶉尾之次以此叅訂則越之東界其北接吳者屬鶉尾實翼軫之分野前史

之差謬至是而後較然甚明雖然靜江在唐爲桂州屬嶺南道在漢爲始安屬零陵郡今支邑之荔浦漢屬蒼梧郡桂林新舊志不盡考諸家之說遂以始安屬荊州爲翼軫之分荔浦以南屬越遽以爲牛女分蓋承前史之誤耳按史記勾踐滅吳併有其地與中國會盟逮王無疆時北伐齊西伐楚與中國爭疆其境土之廣可知矣又按史記楚世家當彘王時楚王熊渠伐庸揚粵至鄂揚粵卽趙佗傳中所謂揚越也西漢亦如史記之通用越粵兩字而互見之也又云封其子爲越章王皆在江



上楚蠻之地則楚粵之舊疆不復可以西漢郡縣所分爲正矣故翰林承旨宋公白等七人之續通典亦以桂林爲禹貢荊州之域春秋時越地七國時復爲楚戰國時爲楚國及越之交境此蓋歷考前載而其說進退可據若然則靜江府在漢雖屬零陵郡其實古之越地於星文則皆屬鶉尾荊州之分固不當以始安荔浦一時之所屬爲別也晉志以零陵爲八軫十一度而始安屬零陵郡靜江當軫之十一度矣且軫四星之中別有一星名長沙而禮記正義所引緯書考靈耀云一度二千九

百三十二里有奇軫星共十七度今長沙去此纔一千餘二十里則靜江當軫之十一度斷可識矣且天文二十八宿之外其星有專主下土者不獨長沙也

明史斗三度至女一度星紀之次也廣西布政司所屬梧州府之蒼梧藤容岑溪四縣皆牛女分張十六度至軫九度鶉尾之次也廣西所屬除梧州府之蒼梧藤容岑溪四縣屬牛女分餘皆翼軫分通志梧州府軫宿六度大江以南繡水以東八於女



國朝周天易覽以順治乙未十一月冬至爲歷元而軫三度至十七度爲廣西分野

元象易覽以軫分三度至十三度二分爲廣西布政使所轄分野

張莊愚著

大清時憲書經緯度云考廣西經度距春分一百六度五十分汰廣西緯度二十五度緯度卽元郭守敬所測北極出地度也

湯若望著

按舊志陳天植曰星野之說固難測哉必規天畫地分州辨域謂某土主某星某星應某事似亦固且鑿矣春秋紀災異一據史文直書未嘗

言其事應書日月之從星則以風雨蓋言從民好也要之察時變知天道者不過因天驗人歸之一理已耳此論甚當我

朝三辰式序四表格被雖在邊徼咸仰光華且天星分野諸書測以星度爲益精且詳矣江南繡東八於女亦姑存其說耳豈必沾沾焉於一郡中分星野哉



東六外之故等其知江...  
 且公程南青...  
 陽三...  
 言其...  
 我...  
 言其...

輿地志

沿革

表附

郡莫古於梧而更名易地其間因革損益之數亦  
 惟梧為獨多蓋地介荆揚三分之為桂林而七分  
 之為蒼梧九疑蒼梧之野謂之荆楚其誰曰不然  
 然始據於南海而後又隸於廣州則依然揚粵也  
 况乎容立管矣藤建州矣幅幘所隸千里而遙由  
 今徵之邈不知其疆域何所沿革可不辨歟於是  
 詳考史志剖析源流為列表以明之而復綴總說  
 先標立郡置縣之始而後上溯歷代紛更再仿史



例補叙之

梧州府

蒼梧立郡肇自漢武帝元鼎六年梧州之名則自唐武德四年始也其在古為交夷唐虞德化涵濡施及蠻貊義叔之宅南交固已先被聲教矣在禹貢為荊州之南境周末為百粵地秦始皇既畧定揚越以謫戍卒五十萬人守五嶺後使任囂趙陀攻越畧取陸梁地遂定南越以為桂林南海象三郡非三十六郡之限乃置南海尉以典之所謂東南一尉也漢初陸賈使還拜趙陀為南越王割長

沙之南三郡以封之武帝討平呂嘉以其地為南海蒼梧鬱林合浦日南九真交阯七郡粵西古郡無如桂與梧者矣東漢蒼梧郡領十一城廣信刺史治獻帝建安八年改交阯刺史曰交州治蒼梧廣信吳孫休永安七年分交州立廣州刺史蒼梧郡屬焉晉蒼梧郡統縣十二穆帝昇平五年分蒼梧立晉康新寧永平三郡宋蒼梧太守領縣十一去州水八百去京水五千五百九十並治廣信梁普通四年分廣州置成州隋開皇初改為封州平陳廢蒼梧郡為蒼梧縣屬焉煬帝時仍為蒼梧郡



唐武德四年以始安郡之龍平今昭平縣蒼梧郡之蒼

梧置靜州龍平郡尋以靜州之蒼梧豪靜梁以始安郡之

豪靜置開江武城二郡陳置道遙郡平陳郡並廢又有猛陵開江二縣大業初並廢八焉故城今在

昭平開江長慶三年更名馬江置梧州貞觀八年

以賀州之綏越故城今在富川境來屬十三年省豪靜其

後又省綏越而開江復隸富川後領縣三蒼梧戎

城猛陵高祖時為梧州明皇天寶五載為蒼梧郡

肅宗時復為梧州並屬嶺南道五代梧州梁後唐

晉時為楚馬氏地漢周時為漢劉氏地宋梧州軍

屬廣南東廣南西二路熙寧八年以龍平縣隸梧

州元豐八年復隸昭州景炎二年改梧州為招討

使祥興元年改梧州招討使為軍民安撫使元至

元十三年升梧州為路改安撫使為總管屬湖廣

行省計梧之或為郡或為州也自三國孫吳以後

歷代皆屬廣州後五季楚漢得暫并之渺渺三

湘千里遙溯而灘水分駛又相去千有餘里安在

星羅碁布臂指之相聯哉至元建置之失宜概可

覩已明洪武元年改為府屬廣西布政司

國朝因之舊領州一縣九雍正三年分鬱林州為直

隸州割博白北流陸川興業四縣隸焉今領縣五



歷代史志參  
通志舊府志

蒼梧縣

蒼梧縣附郭蒼梧舊郡名其立縣則自隋始也西漢置蒼梧郡統縣曰廣信曰猛陵地道志曰猛陵龍山合水所出晉蒼梧郡統縣十二曰廣信曰農城曰新寧農城新寧故城今並在蒼梧境曰猛陵自東漢至陳廣信並為蒼梧郡治隋初改蒼梧縣屬封州又永平郡統縣曰戎城宋永初郡國有遂城隋志以為梁置遂城誤

隋開皇十一年改名其地有農山後隸藤州唐永徽中屬梧州光化四年馬殷以縣隸桂州孟陵本

猛陵大業初廢入豪靜後隸藤州蕭銑復置唐貞觀八年屬梧州更名光化中馬殷表以縣隸桂州五代楚南漢蒼梧縣為梧州治宋開寶四年廢猛陵熙寧四年省戎城為鎮並入蒼梧舊府志一作戎城猛陵入蒼梧誤屬廣南西路大觀四年省馮乘入蒼梧元明仍舊

國朝因之

藤縣

藤縣藤州之名始於隋其改設為縣則自明洪武年始也初屬秦南海郡漢蒼梧郡地晉穆帝升平



五年分蒼梧立永平太守有雷鄉盧平員鄉普寧  
開成五縣又有熙平後並省宋永平太守領縣七

安沂豐城吳立屬蘇平啾安夫寧武林故城今在

南齊有毗平隋平陳分郡置藤州統縣二普寧戎

城普寧舊曰陰石梁置陰石郡平陳郡廢改縣為

奉化開皇十九年又改名焉唐嶺南道藤州感義

郡本永平郡天寶元年更名縣四鐔津感義義昌

寧風鐔津漢猛陵地初州治永平無鐔津又有隋

安賀川並開皇十寧民等縣後寧民隸容州永平

隸昭州寧民開皇十五年置曰安民十八年改名

永平舊置郡平陳郡廢大業置郡感義本淳民武

德中更名義昌本安昌至德二載更名寧風武德

五年以縣置鸞州以貴州之桂平隸之又析立山

縣置東區縣故城今在隸之唐初鸞州有純義縣

故城今在貞觀十年與東區縣並改屬蒙州貞觀

三年又以藤州之大賓故城今在隸之大賓本屬

永平郡開皇十九年置增領長恭秦川故城今在

池陽龍陽四縣治長恭五年置新樂寧風梁石羅

風四縣七年更名秦州徙治寧風更池陽曰承恩

復以藤州之安基隸之安基疑即安沂也梁置建



陵郡陳平郡廢為縣又以梁石羅風隸藤州省長  
恭縣又析桂平大賓置潯州又以鸞州故治析藤

州之武林鸞州之秦州置龔州故城今在平南境八年徙

治安基復為鸞州十三年省龍陽承恩二縣又隸

藤州之隋建故城今在平南境改屬龔州隋建疑即隋安

也十八年鸞州廢以寧風屬藤州後省新樂安基

梁石羅風四縣天寶元年更名感義郡至德元載

復為藤州隸嶺南節度使建中元年改隸容管經

畧使五代楚南漢鐔津縣為藤州治宋開寶五年

省寧風感義義昌三縣熙寧四年改南儀州為岑

溪隸藤州屬廣南西路領縣二鐔津岑溪元藤州

直隸廣西兩江道明洪武二年九月省州治鐔津

縣八焉十月來屬十年五月降為縣

國朝因之

容縣

容縣唐始有容州之名更設為縣則自明洪武始

也初為秦象郡漢合浦縣地東漢合浦郡雒陽南

九千一百九十一里晉分置岩昌縣宋蒼梧太守

領縣有蕩康令南齊蒼梧郡有蕩康縣疑即此梁

改曰陰石縣於縣置陰石郡隋初廢郡改縣名曰



奉化尋又改爲普甯隸藤州煬帝時屬永平郡唐

容州普寧郡都督府武德四年以合浦之北流普

寧置銅州舊州治今在北流境貞觀八年更名縣六普寧北

流陵城故城今在北流境渭龍欣道陵川北流武德四年

析置豪石岩昌南流陵城新安五縣貞觀十一年

省新安後又省豪石岩昌渭龍武德四年析普寧

置欣道本寧民隸藤州貞觀二十三年更名來屬

陵川本隸東我州唐末來屬乾封三年析岩昌隸

禺州開元中置容州都督府天寶元年改爲普寧

郡徙治普寧十四載置容州筦內經畧使領白禺

岑溪縣梁始改爲縣唐貞觀時始置名岑溪初漢

蒼梧郡地梁永熙郡瀧州故城今在廣東羅定州境統曰瀧水

舊置開陽縣置開陽平原羅陽等郡平陳郡並廢

以名縣開皇十八年改平原爲瀧水開陽爲正義

大業初廢永熙郡開陽正義俱廢入焉曰永業梁

置郡尋改爲縣後省開皇十六年又置唐嶺南道

義州連城郡本南義州武德五年以永熙郡之永

業縣地置按縣志武德五年置屬銅州誤時南義州與銅州各自爲州元和中置容筦經畧使始以貞觀元年州廢以縣隸南建州二年復

義隸容也

置五年又廢以縣隸南建州六年復置後第名義

置五年又廢以縣隸南建州六年復置後第名義



州縣二岑溪

按岑溪唐置縣志以爲漢元封五年置誤

連城岑溪本龍

城武德五年置并置安義義城二縣至德中更

城曰岑溪其後又省義城永業本安義至德中更

名曰連城武德五年析瀧州之正義置又瀧州開

陽郡本永熙郡天寶元年更名縣四瀧水開陽鎮

南建水瀧水武德四年析置正義縣并領懷德縣

後省正義以懷德隸竇州開陽武德四年析瀧水

置鎮南本安南武德四年置南建州以永熙郡之

安遂永熙永業三縣隸之五年析瀧水置安南縣

貞觀八年更南建州曰藥州十八年州廢省安遂

永業以永寧安南來屬至德二載更名建水本永

熙武德五年曰永寧天寶元年復更名以建水石

西也又武德四年以永熙郡之懷德置南扶州懷

德郡因獠叛僑治瀧州後徙治信義

今廣東高州府信宜縣

貞觀元年州廢以縣隸瀧州二年復置五年又廢

以縣隸瀧州六年復置八年更名竇州五代楚南

漢岑溪縣爲義州治宋開寶五年州廢以其地入

竇州六年復置廢連城永業二縣并八岑溪太平

興國六年以避諱改爲南儀州屬廣南西路熙寧

四年州廢以岑溪入藤州元屬藤州洪武十年五



月改屬

國朝因之

懷集縣

懷集縣劉宋元嘉所置也初漢南海郡四會地東漢交州南海郡七城雒陽南七千一百里吳黃武五年割交州之南海蒼梧鬱林高涼四郡立為廣州俄復舊永安七年復分交州置廣州統南海郡晉恭帝元熙二年分南海立新會郡治四會廣州記云南齊宋初元年分新寧立治盆允未詳孰是宋文帝元嘉三年立綏建郡領縣七日懷集合本

四會之銀屯鄉元嘉十三年分為縣曰新招令本

四會之官細鄉元嘉十三年分為縣新招本屬蒼

梧元嘉十九年改隋懷集縣屬南海郡舊置廣州

大業初置番州又新會縣舊置新會郡平陳郡廢

併盆允永昌新建熙潭化召懷集六縣為綏州開

皇十二年改為允州後又改為岡州大業初州廢

又四會舊置綏建郡平陳郡廢唐嶺南道廣州南

海郡縣十三曰四會武德五年以四會化蒙二縣

置南綏州并析置新招化注化穆後以廢威州之

懷集廢齊州之游安隸之更名滇州貞觀十三年



州廢省化注化穆以四會化蒙懷集泮安來屬曰  
懷集武德五年置威州領縣三懷集永固泮水并  
析置興平霍清威成三縣貞觀元年州廢省興平  
霍清威成入懷集開元二年省永固縣入焉五代  
楚南漢懷集縣隸廣州宋開寶四年以泮水縣省  
入舊府志成平屬廣南東路之廣州元屬賀州明  
四年省入誤洪武初屬平樂府十年五月來屬  
國朝因之

按通志云懷化縣一作懷遠在懷集縣治東二  
十里舊府志云晉於四會縣東置懷遠縣並誤

考宋志南海郡懷化合晉安帝立南齊志南海  
有懷化縣並無懷遠懷集乃宋元嘉時分四會  
之銀屯鄉置非懷化也或懷化自在今懷集境  
內亦無確據存疑可也

明陳熙韶曰三畝之宮一廛之宅堂構作承猶  
自不無轉徙况幅幘千百里遙閱數十王廢興  
損益之間詎易更僕乎漢武置七郡蒼梧始興  
尋合儋耳珠崖爲九統諸刺史治在蒼梧當時  
九郡之遙無慮千里東西咽喉一以蒼梧制之  
屹然重鎮矣後來遞廢遞興或南海或龍編或







郡地劉氏  
 肅宗地  
 時復  
 為梧  
 州又  
 藤容  
 義廣  
 四州  
 地並  
 屬嶺  
 南道

國朝因之雍正三年分鬱林為直隸州以博白北流

陸川興業四縣隸焉今府屬蒼梧藤縣容縣岑

溪懷集五縣

蒼梧縣表

唐虞三代秦漢西東三晉南北朝隋唐五代宋元明

廣信廣信吳廣廣信蒼梧  
 縣為縣為信縣縣屬蒼梧  
 蒼梧蒼梧為蒼梧齊梁蒼梧  
 郡治郡治郡治郡治郡治  
 郡治郡治郡治郡治郡治

治梧郡  
 為蒼  
 按一  
 置梧  
 州

廣信  
 縣隋  
 改蒼  
 梧縣

神宗  
 時又  
 以戎  
 城縣  
 省八  
 為梧  
 州治







國朝因之

縣注初州治永平無潭又有隋安賀寧人皆貞觀後省並更置通典云潭津本漢猛陵地

容縣表

虞唐 三代 秦 西漢 東漢 三國 晉 南北朝 隋 唐 五代 宋 元 明

本漢梁改陰石 合浦岩昌縣文 縣地縣為帝時 晉分陰石改為 置岩縣於奉化 昌縣置縣又

郡陰石 郡 普寧 舊唐 治此 容州 時徙 治 林阿 以常 治 容州 府

時屬 武德 四年 置銅 州貞 觀元 年改

容縣表



國朝因之

州為容 州以容 容山 為名 天寶 元年 改為 普寧 郡乾 元復 年元 為容 州

岑溪縣表

唐三代 秦 漢西東 三國 晉 南北朝 隋唐五代 宋元明

岑溪南漢岑溪岑溪岑溪 縣高岑溪縣開縣屬縣屬 祖時縣屬寶四藤州梧州 始置義州年改 於縣治 義州 為南 儀州 六年 省永 業連 城二 縣八 岑溪 熙寧 四年 州廢

天寶 義州 復置 州尋 南建 縣屬 廢以 時州 太宗 義州 置南 於縣 始置 祖時 縣屬 寶四 藤州 梧州 義州 為南 儀州 六年 省永 業連 城二 縣八 岑溪 熙寧 四年 州廢



國朝因之

初為連城郡  
宗時復為義州

以岑溪屬藤州

懷集縣表

唐三代秦漢西東三晉

南北朝隋唐五代宋元明

宋文帝時屬懷集縣南漢懷集縣太縣屬懷集縣始分南海祖時縣屬梧州梧州

四會郡於縣廣州以洊至元府

縣之置威州又水縣十五年改

鄉地分置州屬廣屬賀

置懷興平州

集縣霍清州

屬綏威成

建郡三縣

齊梁太宗時州

陳因廢以

之興平

霍清



國朝因之

威成三縣省八屬廣州開元初又以永固縣省入

梧州府志卷之二

輿地志

疆域 廂里墟市附

經界既正犬牙相錯地勢然也元和郡國志有四

至八到之例而後疆界劃如固地志所最重者峽

樹分界雙柯遂別榮悴此說尤異矣至於鄉里表

鄭公之號越墟見柳子之詩雖介邊隅猶行古道

烟火屢郭碁布於複岡疊嶺間梧非廣南東西道

中一大都會乎編氓含哺鼓腹嬉遊市井享

聖世之休嘉卽以彰封守之慎固所謂體國經野者此



耳

梧州府至省城水路六百七十里府境東西距二百三十里南北距六百三十五里東至蒼梧縣思蒲村接廣東肇慶府封川縣界三十里西至藤縣律塘村接潯州府平南縣界二百四十五里南至岑溪縣藤田村接廣東高州府信宜縣界三百一十里北至蒼梧縣石川關接平樂府賀縣界一百五十里東南至岑溪縣接廣東直隸羅定州西寧縣大河村界二百六十里東北至懷集縣接廣東直隸連州陽山縣竹山尾村界四百八十里西南

至容縣大雲間接直隸鬱林州北流縣界三百九十八里西北至蒼梧縣接平樂府昭平縣竹脚村界一百五十里領五縣

蒼梧縣

附郭

縣境東西距一百六十里南北距三百

六十里東至思蒲村接廣東肇慶府封川縣界三

十里

至封川縣城六十里

西至古銑村接藤縣界四十五里

至藤縣城一

百二十里南至腰鵝嶺接岑溪縣界九十五里

至岑溪縣城一

百八十里北至石川關接平樂府賀縣界一百

五十里

至賀縣城四

百五十里東南至大燕汛接廣東直隸

羅定州西寧縣界七十五里

至西寧縣城

一百二十里東北至



木崙接廣東肇慶府開建縣界一百九十五里至開

建縣城二西南至大寒汛接藤縣界五十四里西

北至命村接平樂府昭平縣界一百八十里至昭平縣

城三百編戶二十五里

藤縣至府城水路一百二十里陸路八十五里縣

境東西距二百三十里南北距四百一十里東至

古銃村接蒼梧縣界七十五里西至律塘村接潯

州府平南縣界一百里至平南縣城南至崗崗舖

接容縣界一百七十里至容縣城二北至六忝村

接平樂府昭平縣界二百一十里至昭平縣城東

南至孔夾村接岑溪縣界一百九十里至岑溪縣城二百里

東北至狀元埔接蒼梧縣界六十里西北至西龍

村接潯州府平南縣界一百二十里西北至五屯

所接平樂府永安州界一百四十里至永安州城三百八十里

編戶三十六里

縣治至府水路一由縣治江左邊順流至安平汛

按蒼梧縣界二十里由安平汛至府城六十五里

一由縣治江右邊順流至石良汛五十五里由石

良汛至府城四十里

按縣治至府水路一百二十里今此條所開水



路一由縣左合計止八十五里一由縣右合計止九十五里可見粵西道路難以里數定也並錄存叅

縣治至府陸路由縣治東行至古銑村接蒼梧縣界五十里由古銑村至府城三十五里

按通志南至崗崗鋪接容縣界一百七十里舊府志僅作六十里誤 通志東南至孔夾村接

容縣至府水路四百五里陸路二百一十五里縣境東西距九十里南北距一百七十里東至崗崗

鋪接藤縣界六十里至藤縣城二西至西山嶺接

直隸鬱林州北流縣界三十里至北流縣城五十里南至平

地間接廣東高州府信宜縣界二百里至信宜縣城三百一

十里北至陳冲堡接潯州府桂平縣界七十里至桂平縣

城一百五至岑溪縣東南至季村接岑溪縣界九十里

城一百至平南縣城東北至古柴村接潯州府平南縣界一百

二十里至平南縣城西南至大雲間接直隸鬱林

州北流縣界七十八里至北流縣城一西北至水

源里接潯州府桂平縣界七十里編戶一十一里

縣治至府水路由縣南順流至石崗接藤縣界一



百二十里由石崗至竇家寨合思羅江口由思羅  
 下合皇華江口由皇華下合義昌江口由義昌至  
 藤縣治東合鬱江計一百六十五里由藤縣至府  
 一百二十里共計四百零五里

縣治至府陸路由縣東至石崗接藤縣界約六十  
 里由石崗經竇家寨勾刀山黃沙黃鑿等處至藤  
 縣西門約一百七十里由藤縣至府八十五里共  
 計三百一十五里

按舊府志水路作二百八十五里誤

岑溪縣至府水路一百八十里陸路一百八十里

縣境東西距一百六十里南北距一百六十里東  
 至黃陵山接廣東直隸羅定州西寧縣界一百二

十里至西寧縣城西至曇賡村接容縣界六十里至容

縣城一百四十里南至藤田村接廣東高州府信宜縣界

一百五十里至信宜縣城北至烏峽村接藤縣界

一百五十里至藤縣城東南至北科孔村接廣東

直隸羅定州西寧縣界八十里東北至腰鵝嶺接

蒼梧縣界一百二十里西南至封村接容縣界六

十里西北至石人嶺接藤縣界二十五里編戶三里

縣治至府城水路一由縣治南行經下化鄉羅末



村皇華江口下合藤縣江口六十里一由縣治西  
行經上化鄉瀧底義昌江口下合藤縣江口六十  
里至府均一百八十里

縣治至府陸路由縣治北行經烏峽村佛子村至  
藤縣界綠雲村三十里由綠雲村經十八都烏院  
村至蒼梧縣界四村四十里由四村至戎墟九十  
里由戎墟二十里至府共一百八十里

懷集縣至府水路六百里陸路三百里縣境東西  
距一百三十里南北距一百九十里東至鳳崗堡  
接廣東肇慶府廣寧縣界六十里至廣寧縣城一百五十里西

至西廟汛接廣東肇慶府開建縣界七十里至開建縣城一百六十里

南至詩岡堡接廣東肇慶府德慶州界七十

十里至德慶州城二百里北至水下汛接廣東直隸連州連

山縣界一百二十里至連山縣城二百五十里東南至渡頭堡

接廣東肇慶府廣寧縣界六十里至廣寧縣城一百二十里東

北至羅岡堡接廣東直隸連州陽山縣界一百二

十里至陽山縣城三百五十里西南至旱徑汛接廣東肇慶府

封川縣界一百三十里至封川縣城二百五十里西北至藍鍾

堡接平樂府賀縣界九十里至賀縣城二百五十里編戶五里

縣治至府城水路由縣東順水至半山村接廣寧



縣界六十里由半山村至四會縣城二百四十里  
 由四會至南津口接三水縣界十里由南津口上  
 水至肇慶府城六十里由肇慶至德慶州城一百  
 二十里由德慶至封川縣城六十里由封川至府  
 城六十里共六百一十里

縣治至府陸路由縣西至旱逕汛接封川界一百  
 里由旱逕至封川江口一百五十里由江口至府  
 城五十里共三百里

縣治至府水陸路由縣治西北起旱經西廟營至  
 開建縣城一百六十里由開建登舟順水至封川  
 江口一百九十里由江口上水至府城五十里共  
 四百里

舊志陳天植曰梧封疆幾千里蓋洋洋大國哉  
 邇年來王師南征雲集郡中正以一區土襟咽  
 兩粵控扼三江有足為東南牽制犄角之勢故  
 漢以立郡明以設府非漫置也為茲土計者無  
 事則宏撫綏之仁以康阜蒸黎有事則奮守禦  
 之畧以制馭寇盜嶺外保障永永焉其不拔之  
 基矣

廟里



按許叔重說文云坊邑里名所以表里也例不得與官署官職恩榮坊並誌舊志混坊廂與坊表為一則錯矣

蒼梧縣

在城十一坊一所

華岳坊

南門街

善教坊

北門外橫山街

宣德坊

南門外

阜民坊

浮橋南街即驛前街

淳政坊

德政門外

通泰坊

西江門外

迎恩坊

北門栗木橋

育真坊

府學東

水西坊

河西三合嘴

寶倫坊

府學前

富民坊

桂江西岸

梧州所

分五甲

在野十一鄉

大江南五鄉

平樂鄉

二畝分三堡一洲一市二十六村

吉陽鄉

二畝分五堡一甲七十七村

長行鄉

三畝分六堡一百二十二村

冠蓋鄉

二畝分五甲五十村

須羅鄉

一畝分三堡四十五村

大江北六鄉

多賢鄉

二畝分六堡一百三十七村

溥陽鄉

一畝分四堡二甲一百一十七村

思德鄉

一畝分五甲八十五村

平政鄉

三畝分一洲六甲四十四村

安平鄉

二畝分六甲八十一村

東安鄉

二畝分五堡五閘二百四十六村

按蒼梧縣編糧二十五畝一所在城為五畝編

民在城十一坊在野為十一鄉舊志載列凡五



廂卽編糧之在城五畝也序坊遺富民今叅縣

志補八

藤縣

五袴廂 城內

西隅廂 西門外

南隅廂 河東

仁壽坊

興賢坊

賜福坊 俱城西

登俊坊 迎恩門外

通濟坊 東門外

勝槩坊

孝通坊

富壽坊

得雋坊 俱水東街

桂坊 西門外

孝義鄉

縣東分一二三四都一四都計五里

仁封鄉

孝義東分六七八九十十五都計七里

義昌鄉

分十八二十一二十二二十三二十四二十五都計五里

感義鄉

縣西南分二十八三十三三十三十九都計八里

太平鄉

縣西北分四十一四十二四十三都計三

寧風鄉

太平西北分四十六都羅龍里四十八都

東皇里五十都三江里五十二都隨化里五十四都大任里五十五都大黎里五十六都陽崗里計七里

按藤縣三廂十坊六鄉舊志僅列九坊今叅縣

志以桂芳補之若豸繡祭酒等坊非關廂里者

并附八古蹟坊表各從其類

容縣

坊里

在城分

廂里

七里

思傳里

分十

辛墟里

分十



波羅里 舊分平蓋里今併 招賢里 分二十 順德里

分三十 水源里 舊分沙容里今併 羅面里 舊分儀里今

併八分三 羅龍一里 舊分石鄧里今併 羅龍二里

分十 一村

岑溪縣

東廂 即今水 西廂 即大小 上化鄉 一黨二甲三堡

人所居謂之山猶民居 下化鄉 三甲三隘 歸義鄉

謂村也近亦有名村者 四堡五 西鄉 三堡二 南鄉 二堡二 永業鄉 四

四十四 山四隘 連城鄉 三甲七堡十九營

按岑溪分七鄉上化下化歸義西鄉南鄉永業

連城也東廂西廂在上化鄉內即黨甲耳非鄉

名舊志僅載東二廂及上化下化鄉歸義永業

連城五鄉而無西南二鄉今參縣志補入

懷集縣

坊里 在城 上郭 折桂坊

下郭 仁壽坊

附城一十二堡

武城司所屬一十七堡 內觀塘等十二堡向屬慈

慈樂司所屬一十九堡 內寧崗等九堡向屬武城

坊郭里縣東統鄉村七十九



西水里縣西統鄉村四十四

獨週里縣西南統鄉村四十

務本里縣東南統鄉村四十

譚村里縣西北統鄉村二十四

按懷集縣舊志僅載鄉村今參縣志并畧載城

堡鄉堡以備考核

墟市

蒼梧縣

城南市 驛前

府東市

小市 驛前

戎墟 城西南二十里居民舖舍繁盛濱江通商往來

永寧墟 光化寺前今廢

利民墟 水西坊前今廢

下郢埠 城北二十里不通商多潯二鄉村市

榕樹潭 城西五十里安平江口原為大江米穀交易之地今廢

便民墟 在城北門外關帝廟前今廢 石橋墟 在東安中堡司署在焉

永安墟 在東安上堡古 太平墟 在長行上頭堡河口市

廣平墟 在長行上二堡木戶崗 新利墟 在須羅鄉

長興墟 在長行上二堡 永安埠 在東安中堡

河步小埠 在吉陽鄉 大坡山埠 在冠蓋鄉

河口小埠 在長行鄉 新舖小埠 在須羅鄉

武屯小埠 在安平鄉 大安小市 在平樂鄉



雙橋小市 在平樂鄉

曇倫尾小市 在須羅鄉

新舖小市 在須羅鄉

黃坡小市 在多賢鄉

木戶小市 在長行鄉

自便民墟以下舊志未載今參縣志補入

藤縣

縣門市

富野墟 縣東

赤水墟 縣東六十里

太平墟 在五十四都濛江大任里商賈頗盛

和平墟 四十六都羅龍里

安城墟 四十三都濛江口

糯洞墟 二十一都義昌里商賈頗盛

五屯所 白石司署在焉

古龍市 隨化里

寶家市 三十都

三眼堡 寶家司署在焉

自太平墟以下舊志未載今查訪補入

容縣

西門墟

東門墟

南門墟

大圭墟 今廢

太平墟 順德里

洞頭墟 今廢

渭龍墟 今廢

逍遙墟 今廢

平地墟 今廢

縣門市

懸底墟 招賢里

寺良墟 順德里

石頭墟 水源里

思慕墟 水源里

西山墟 思傳里

魚產墟 羅面里

黎村墟 羅面里

公利墟 羅龍一里又名楊梅墟

勘頭墟 羅龍一里

石寨墟 羅龍二里



自懸底墟以下舊志向所未載今參容縣志補入

岑溪縣

常平墟

山川墟

久廢

縣門市

長寧墟

原名太平墟又稱樟木墟在城東二里商賈湊集

水汶墟

連城鄉上里南近廣東西寧商賈往來頗多

南儀墟

西鄉即南儀廢州地又名南埠

西安墟

西鄉曇容村北又名羅隆埠

按長寧墟即舊志常平墟長寧墟以下俱參縣

志補八

懷集縣

大岡墟

馬寧墟

梁村墟

木格墟

今改名永安

冷坑墟

鎮龍墟

今廢

大廟墟

今廢

烏石墟

今廢

南門市

西門市

上郭市

下郭市

冷水墟

即水口

沙平墟

甘崗墟

鳳崗墟

冷舖墟

橋頭墟

江義墟

蓆草塢墟

岡坪墟

自冷水墟以下舊志未載今參縣志補入



自合水縣以下舊志未詳今參總志補入

西門市 土眼市 不凍市

大柳市 高石市 南門市

大柳市 高石市 南門市

大柳市 高石市 南門市

大柳市 高石市 南門市

大柳市 高石市 南門市

大同按廂里墟市舊志各分一門辭尙體要則皆

不出乎疆域之中因并附之梧界高山大川

平原叢薄間或數十里無烟戶地本曠也近

自久濡

聖澤以來井廬日增生殖滋廣猶是裹鹽包飯者

耳而樵山漁水莫不重去其鄉一望村墟熙

皞成象有牽車服賈之風無抱布貿絲之習

亦何羨乎錦里珠市哉



其而嶺山脈水莫不重夫共脈一筌林鬱然  
 聖賢以來共風日射出餘嶺黃餘長東聖聖  
 有人需  
 不取遊尋問短幾十里無斷可此本題也

輿地志

山川

鄭夾滌曰州郡之設有時而更山川之形千古不

易范石湖桂海虞衡志稱桂山奇秀為天下第一

梧州山水近者來自桂林而脉源所發又甚遠也

蓋桂林以尖峯勝平樂以峭壁勝梧州以岡巒盤

紆勝綠茵翠黛與江光雲影相為映帶無削露之

情有渾融之氣不特佳境足以移人即郡邑之分

疆亦由此見矣

蒼梧縣

山川



大雲山城東三里舊名大靈山山脉發自桂林高  
百仞迥出羣峯遙連五嶺總納三江蜿蜒盤亘雄  
峙安敦府治之主山也列蒼梧八景曰雲嶺晴嵐  
以下參通志舊  
府志并各縣志

冲霄山卽火山梧郡之案山也在城南隔江當三  
合渚山上有火每三五夜一見若野燒或言其下  
水中有寶珠光燭於上或言南越王尉佗藏神劍  
於此故焰騰如火又產靈麋三足郡有災祥及使  
車將至則先鳴寰宇記云山下有丙穴嘉魚生焉  
唐沈佺期詩身經火山熱顏入瘴江銷明隆慶四

年總督張瀚因郡市多火更今名舊有祥光亭萬  
歷末知府陳鑑改建真武廟以鎮火災今久不見  
有火光矣列八景曰火山夕焰

三台山城北里許三峯列嶂爲郡城後擁其上舊  
有廣鎮亭

雲蓋山城東一里卽大雲山分支其麓爲光孝寺  
山川壇在焉

茶山在縣東北半在城內半在城外舊有北望樓  
阜民山在縣東門外上有朗吟亭準提閣下有嘉  
魚池



鳳凰山縣東一里有吳清惠祖墓

金石山縣東南二里圖經云吳時有道士牽牛渡江語舟人曰舟內牛渡聊以爲謝舟人視之皆金也道士與牛並隱石下因名列八景曰金牛仙渡掛榜山城西北三里許石壁儼如掛榜上刻虎榜石三字向之瞋送科舉者於此爲之兆云

蘇山縣南八里前臨大江蘇軾被謫曾泊舟山下因名

立山縣西十里路通藤縣下爲三公坡明都御史韓雍講武於此今山下建先農壇

獅毬山在縣西南八里

壽星山縣南十里山峯圓整一名紫微山

文筆山在縣南十五里峯如卓筆

古欖山縣東北二十里與龍巖山對峙形高而銳如橄欖焉

邱山縣西北三十里其形正方如邱特立水塘中塘曰大邱塘

獨岡山在縣南三十里吉陽三堡產紅紫采石可作顏料

大逕山城西北三十里在多賢鄉長七里許



赤旺山在縣南三十五里吉陽鄉產粉泥可作餅食

澤山在縣北四十里嚮多竹木

文殊山縣西北五十里林木蓊鬱前枕桂江俗傳文殊大士說法於此

筆架山縣西南五十里榕潭之上高出羣峯中有石崗產紅硃土人掃取貨之

細河山城西南五十二里筆架山右濱江上有巖刻字云水朝脚下有金銀子孫世代不憂貧

按粵西深山邃谷人跡罕到之處每產礦砂或

淘之無多或試採旋止或開廠抽課歷歲而愈旺天不愛道地不愛寶理固然也乃愚夫愚婦少見多怪貧者輒思貪天如仙嶺良江之屬輒相傳爲產金乃至摩岩刻石并欲遺之子孫豈不惑歟

孔協山縣南七十里冠蓋長行二鄉之交密樹深林向爲伏莽之藪

青雲山縣南八十里高百餘丈周百餘里北通冠蓋西接須羅東南連長行四達之區也

鐵馬山在縣西南九十里須羅鄉山出鐵



銅鑊山縣南九十餘里高數百丈周二百里石壁  
嶙峋林樹參天登之望大江如帶封寧各處瞭然  
在目其巔有石峯如獅形又有池巨鱗潛伏隆冬  
積雪霽後恍如銀砌山頂平曠池水春冬不竭亦  
不溢清潔可烹四面陡絕東北路通一線與廣東  
西寧封川接壤稍有警息匪類卽倚之而負隅蒼  
梧藤岑皆患之今久絕迹矣

按通志梧州氣候常煖無雪銅鑊極高冬則霜  
結成冰山樹一片凝白似雪耳夫露結爲霜水  
下遇寒而凝則爲雪故春始雨水冬常雨雪天

時然也高山爲雪下地成雨地氣殊也

石鼓山縣南一百十里其巔有池秋冬不竭池傍  
有大石如鼓形徑數丈與銅鑊山石獅相望  
龍巖山縣北一百十里山有巖洞可容數百人士  
人常避兵於此

鹿頭山縣北一百十餘里與賀縣交界山出鉛砂  
金盤山縣北一百二十里

七山縣西南一百二十里南接岑溪西連藤縣向  
爲獠人居窟峯巒數百連環周三三百餘里莫窮其  
際獠人所止有三十九窟分爲上下七山云



芋茨山縣東北一百六十五里值東安篔竹間與封川開建兩縣交界山產金砂嵐氣特厲

國朝雍正七年秋開廠試採越年而罷

龍塘山縣東南長行鄉與岑溪縣交界舊爲伏莽之所

馬山在多賢鄉馬田之北馬樞之西昔人建庵其上曰馬頭庵

眠牛山在長洲尾形肖牛眠昔人建華嚴寺於首蜈蚣嶺在縣西十里

大靜嶺城西二十里爲多賢平政之交高百仞路

十餘里

仙人嶺在縣北四十里潯陽鄉高百餘丈舊傳山中產黃金土人偶淘得之

大金嶺縣西南五十餘里與藤縣交界山有竹泉叢木向爲寇盜藏匿今久絕迹

石鈎嶺縣西南五十餘里值平樂鄉

茶亭嶺縣東北八十里高八百餘丈爲潯陽東安之交路當山脊二十里昔人設茶亭於上以濟行人

牛嶺縣西南八十里與藤縣交界



奇車嶺縣北九十里高數百丈值東安下堡八寨之交

大嶺縣南九十里與廣東西寧縣交界

鬱岡嶺城南九十里值吉陽冠蓋二鄉之交

佛殿嶺縣南百里高百餘丈上有廟有池塘花果四時常新諺云佛殿頭果子多許人食不許駝後人移廟下洞今故址尙存

伏虎巖縣北五十里詳見古蹟

錦鷄巖縣東五里懸崖峭立洞宇宏敞面枕流泉清絕可愛中有石窟昔人常見錦鷄飛出因名俗

傳舜陵在焉

邀月巖高厰宏遠一目數百里舊傳有仙常奕於此

鶴飛岡縣西二里石英山之左南漢太守劉曜鑿斷其脊有雙鶴飛去列八景曰鶴岡返照

朝臺岡城北六里今爲社稷壇詳古蹟

石鼓洞在縣北二里約深廣丈許高五尺以椎投地如伐大鼓明太史程文德有記面臨桂江左爲邀月巖前有鼓巖堂麓有慶林寺蒼梧之勝景也金牛石在繫龍洲下列八景曰金牛仙渡



漏塘峽城南八十里在長行冠蓋二鄉之交舊爲  
伏莽之所

三江口明史地理志云蒼梧城西南有大江江卽  
黔鬱二水合流於潯州府城東爲潯江入府界東  
經立山下又東經此與桂江合謂之三江口下流  
爲廣東之西江

桂江卽府江在縣西北一名灘江源出興安縣海  
陽山八靈渠合灘水由昭潭至府城與西南大江  
合流四十里至廣東封川縣一名始安江又名金  
沙江楊慎丹鉛錄云古有金沙浮轉多桂浦忌經

過之謠言灘大水急上下舟皆難行也列入景曰  
桂江春漲

大江在縣西南一名梧江源出交趾牂牁合桂水  
經城東三十里八封川縣境東流入海漢武帝使  
馳義侯發夜郎兵下牂牁江會番禺卽此

思良江在縣北二十里卽下秤至城西北十五里  
北注灘江舊傳產金一名多賢水

長行江縣西南三十里源出岑溪縣腰鵝諸山東  
流經戎墟八大江

東安江縣東北四十里源出上水獠遠城東北堡



至十寨合沱洞三番水中堡合石橋水料口合八寨浮水黎浦合九山水注於富賀江會流至封川江口去梧城東四十里南注於大江

龍江縣西北五十里源出五堡遠城北合流桂江舊設龍江驛

須羅江縣西南六十里源出鶴村通須羅平樂二鄉遠戎墟流入大江

安平江縣西七十里源出鎮山遠城西南合流上接藤縣大任隨化諸鄉之水又名白石江至榕樹潭入大江

觀音溪縣北一百里源出大岸山至觀音埔汛下入灘江溪不通舟驛路設有渡船

繫龍洲縣東大江上亦名七里洲江漲時洲獨不沒又名浮洲屹然中峙蓋三江砥柱也舊建有亭林本森秀可供遊覽明知府陳鑑復建文昌閣後圮

國朝康熙二十四年左江道王毓賢知府陳天植復建祀關帝五十八年知府范大士相繼重修列入景曰龍洲砥柱六十一年邑人李世瑞重修後增祀文昌置祀業稅二十八畝奇在河南行埠口每



年收稅以爲香燈之資

長洲在縣西十里當大江之中縱三十里橫三里居民繁衍自此而上有思恩洲思化洲黃龍洲皆在江中居民半資園蔬

嘉魚池城東門外舊名鱷魚池列入景曰魚池漾月詳見古蹟

藤縣

東山在縣東一里通津門外蜿蜒秀麗拱於縣左上有唐李衛公祠列藤縣八景曰東山夜月

磁鑪山縣一里有磁鑪佛舍

南山縣南二里頂平如砥諸峯聯絡橫列縣治前舊有杏壇松崖竹塢芹澗荷港諸勝其巔爲雷神祠今俱廢

石壁山縣南二里南山之傍高十餘丈石色皆赤亦名赤壁下臨繡江樹皆倒懸巖石如削列入景曰石壁秋風

石人山縣南四里峭絕臨淵下爲龍窟水旱祈禱輒應山半巨石峙立望之如人

谷山縣西北五里一名西山隔岸臨江其形若谷高冠諸峯奇挺秀拔望之森然列入景曰谷峯列



嶂

龍驤山縣南六里去石人山里許聳翠數峯拖藍一水晉龍驤將軍陳隱曾駐師於此

登嶼山縣西十五里二峯對峙崔嵬蒼翠形如螺髻列入景曰登嶼聳髻

大燕山縣西三十里高五里雄偉秀麗俯瞰大江  
饒山縣西北六十里濛江口上有三石堆形如饒故名

石城山縣東南七十里義昌江內石壁四圍如城人跡罕到

六爻山縣西八十里峭絕臨江山形六疊酷似卦爻山麓爲十二磯絡繹相屬與白馬堡對峙爲峽寇出沒處明天順中學士錢溥使交趾過此遇警因賦距賊行

白藤山縣南一百里峭拔崎嶇昔常產白藤今無勾刀山縣北一百里竇家寨北峻絕難踰明萬歷初刻石爲梯磴南通容縣捷徑窘步行者難之  
天馬山縣北一百里去五屯東三里

仙果山縣北一百里五屯東  
石鼓山縣北一百里五屯東



鷄頭山縣北一百里五屯東

古甌山縣西一百里五屯西

獅子山城西北一百里五屯東五里高聳百丈山頂平曠上有巖深廣數丈巖中夏清冬溫望長江如疋練右有三峯一峯名天馬像列石佛十八尊大旱禱雨輒應蒼松翠濤與清泉響答一名琴山其下爲石塘村附近山屹起一峯高插雲中名觀音蓮座冠帔跏趺儼若真形在旁一峯僅及肩名鸚哥山右一峯亦相比名淨瓶山中有巖可容十數人松竹交映蒼翠欲滴又三四石室迤邐曲通

時有猿猴成羣往來攀援於其上清泉怪石野果山花四時不絕下有村曰龍窟

靈山縣東南百餘里路徑懸絕古木叢生昔時猺患嘗設軍戍之有池塘巨鱗其下卽十六洞

龍頸嶺縣西北蜿蜒起伏如龍爲縣治過脉其前爲州學故址

葛陂嶺在縣南橫如一字爲舊學宮案山一統志云又名學嶺

繩武嶺在縣西學宮右峯頂圍秀如蓋

掛榜嶺在縣東一里



羅幔嶺縣西南三十餘里高五里許廣圍十里形如列幔有田畝陂塘村落爲潘洞都榜纂寮諸水發源

太乙嶺縣西南三十餘里高八雲表夾道多松杉酷暑陰涼行人憇焉

大梳嶺縣東南五十里形如梳遊人罕到

都蕨嶺縣南六十里頂有一穴甚深世傳土官竇家墓此

酒子嶺縣南八十里濱皇華江

鷄籠嶺縣西北八十里峭壁摩天中通石巷樹林

陰翳可以遊息

雙魚嶺在縣西一百里五屯西

天塘嶺縣東南百餘里高數百丈上有大池巨鱗石狗嶺縣東南百餘里綿亘高峻爲酒子嶺衆山發脉

燈檠嶺縣西北百餘里碧嶂丹崖凌空插漢爲五屯里表一奇

水月巖在南山麓旁臨曲澗秋時水月交映最爲清絕

李白巖縣東四十里赤水峽右山高四百餘丈下



瞰深淵中虛一窟深廣可二丈許頂竅通日光後人重闢山寺舊傳李白謫夜郎時過藤嘗遊憇於此

江月巖縣南四十里世傳舊有仙真棲此

鷄心峽在縣東五里

赤水峽縣東六十里兩岸壁立水由中行林木蔚

茂潭底有魚影石其影如魚春水盛時江鱗羣聚

列八景曰赤峽晴嵐

都木峽縣南七十里皇華江內江潦暴漲時中湧

劍脊舟行甚難

觀音峽縣西北八十里雙崖峭拔潭深無際爲五

屯所水口關鍵

合掌石縣南六十里義昌江中兩石並峙中空一

線如合掌因名

龍巷石縣北鬱江中壘壁峻嶒其中成路若巷巷

有九皆如砥長數十丈濶丈餘冬月水涸可以遊

觀列八景曰龍巷露臺

藤江一名鬱江又名彌江源出交趾經太平南寧

會潯水繞城東與繡江合流經府治合桂江而東

至番禺注於海唐有安撫使泛舟所佩劍躍入水



又名劍江宋紹聖間蘇黃門子由謫雷州司戶其  
兄子瞻亦徙儋州相遇於藤卽此處也列入景曰  
劍江春漲

繡江縣東南一名北流江源出廣東高州府雙威  
寨至北流始通舟楫經容縣至藤與鬱江合流

濛江縣西五十餘里水源一出平南大同里一出  
永安古蒙州地二水合注五屯之東至大良村入

鬱江合流

皇華江源出廣東信宜縣經岑溪至思澤村入繡

江

纂寮江源出羅伏長樂兩山皆羅幔嶺之支派東  
北流入鬱江

按羅伏長樂二山舊志未載縣志亦無可考梧  
屬多山不能遍載於此概見

都榜江去纂寮江西五十里源出羅屏山西北流  
至黃丹驛南岸會鬱江

四培江在東北岸東七里源出蒼梧縣思排腦至  
楊洲尾入鬱江合流

潘洞江由皇華江溯流三十餘里水源一出都歐  
山一出羅幔嶺西南流至黃沙村出洞口入繡江



思羅江由潘洞江湖流十餘里源出容縣大容山  
經竇家寨入繡江

義昌江縣南一百里源出岑溪東鄉至二十五都  
入繡江合流

牛皮江在濛江上三里源出蒼梧縣安平鄉經隨  
化里瀧底至思緣村入濛江合流

黃埔江縣東五里源出濛古村至瓦窰流入鬱江  
下榻江縣東十二里源出四安山流至榻洲尾入  
鬱江

白石江縣東十七里源出靈山流經江口下入鬱

江

龍潭縣東二里潭深無際冬時水落石出人踐之  
足音下應時或湧波濤數丈移時始平舊傳其下  
有臥龍

將軍灘在通津門外

鴨兒灘在將軍灘南五里灣環泊湧春水泛漲波  
瀾滌秀瀾漫旋轉列入景曰鴨灘霜籟

中窖灘去鴨兒灘四十餘里石嶼屹立中流水分  
兩派經數里復合俗名穿窖

大剛灘縣南八十里皇華江內石壁橫江舟觸必



沒灘內石磨刀最利人多拾之

榻洲在縣東十五里大江中

托洲在榻洲東三十里赤水上游

登洲在縣西二十里中流孤峯蒼翠

思禮洲在縣西四十里榻洲托洲思禮洲並舊有

居民頗盛

大樓洲在太平墟南渡口有迴瀾馬頭脩砌甚整

容縣

大容山縣西北二十五里爲縣治來脉蓋主山也

高五百餘丈周圍千餘里盛夏有霜分九十九澗

其山面面相似入者迷出鬱林北流與業潯高諸  
州縣分據其麓絕頂有巨石三片長數十丈形如  
川字石上有巨人跡中有路通各縣人跡罕到惟  
獠人射獵經之

都嶠山在縣南二十里又名南山列八景曰南山  
秋色東自高涼經醴寧羅定界歷岑溪縣起伏五  
百餘里八縣分爲八峯高三百三十餘丈八峯曰  
馬鞍香爐仙人丹竈八疊堯子雲蓋中峯而八疊  
最奇秀南北兩洞中峯有巖曰中宮名爲寶元之  
天斷崖絕澗下臨百仞沿磴捫蘿而上橫眺白雲



俱在足下又有東山洞白鶴洞蒲澗洞飛瀑巖太極巖龍頭巖白雲巖諸勝葛洪煉丹勾漏常往棲息道書稱爲第二十洞天

登高嶺縣西一里又西南二里爲濯纓石

北靈山縣北二里其形如龜山色青黃望之逼真又名真武嶺

誥軸山縣東十里與掛榜山相連鎖繡江下口

掛榜山縣東十里

楊山縣西凌雲里有楊妃井

燈臺石嶺縣南十里頂有石形如燈臺夜有火光

卽爲科第之應

凌雲山縣東北十五里與金牛嶺相連舊產斑竹八景列凌雲斑竹是也

朝山縣北十五里思登河源出其下

望君嶺城東二十里形如筍卓立至巔羣山環遶邑城如箕繡江如線目極北流之遠

金牛嶺縣東北二十里峯巒聳翠縣治之鎮山也

勾漏山縣西南三十五里疊巒聳翠有洞深窈爲晉葛洪修練之處內產仙米形如圓豆推佐食貴品道書稱第二十二洞天列八景曰勾漏丹砂



按勾漏山今屬北流境內然容固勾漏縣舊地也故載之

陸便山縣西南四十里又南十里爲鷄籠山魁星嶺縣南五十里嶙峋挺拔爲學宮案山天塘山縣東南一百二十里周二百餘里南通廣東信宜縣有竅出泉流下爲池分九支滙於涓龍江

石梯山縣南一百五十里路通廣東高州府磴道險狹如梯

桃核巖在寶元寺右

米巖在都嶠山白鶴洞西相傳昔有僧住此巖歲饑石罅中每日出米數合僧藉以生

石城在容藤分界之處巨石橫江中如城岸北有沙洲遇粵東穀貴則沙開以通葭穀賤則閉人常以沙洲開閉占穀價貴賤

濯纓石城西五里在江上枕江而橫上平如砥石上有罅狀如紫玉樽受水數斗清似滄浪昔有亭曰濯纓列八景曰濯纓晚眺

容江在縣南一名繡江源出高涼峩石山經北流縣與涓龍江合環抱縣南而東出藤合流經梧入



海漢馬援云仰視飛鳶跼跼墮水中卽此

渭龍江縣西南七里源出天塘山分爲九支一向

羅龍江一向古鄧一向度垌一向都代一向僥儀

一向六霍皆容地自東而西溯流分滙是爲渭龍

八於容江又從西下兩水滌洄而來內外朝宗其

三支別出

絲羅江縣北四十里源出水源里東北經竇家寨

流入藤縣又波羅江縣東南經波羅里西北流入

容江

思登江縣北五里源出大容山東南流入容江

桃枝江源出大容山東流至自良墟入容江

波羅峽縣東十五里讀書臺下北流江水盡入於

此又名猪牙峽

天湖在都嶠山中峯之巔窪而成湖湖上四望萬

山俱低其水深不可測常有魚游水面似鯉色青

目赤有人投餌獲之味頗佳天將雨有雲氣起水

中

大陂潭在都嶠山中源出白鶴洞深數丈自來不

竭導其流至石寨墟灌田數十頃墟無井皆食潭

水生黃腫疾過半



國朝康熙四十一年大風雨見有大龜巨蛇從潭中飛騰而出自是遂無黃腫之患

烏石潭石上產艾午日採之療百毒

龍潭縣北十里舊傳唐時風雨之夜有寺鐘飛來與潭龍戰列八景曰鐘鬪龍潭

岑溪縣

白石山縣北十里係縣治祖龍山多白石東連烏峽西接石人

西瀧山縣西七里峭壁森秀縣前河西流繞山麓亂石激湍十里不通舟楫鎖岑溪水口相傳燒山

則居民有火災通志作小龍山列八景曰西瀧晴嵐

紅帽山在縣東五里麓有常寧墟

犀牛山縣西地五里有廢營

象山在西瀧山前與犀牛對峙並鎖岑溪水口

文詳山縣北七里秀麗高聳麓有探花井

鄧公山縣西十里山麓有鄧公祠又西爲雲松山上有聚仙亭今廢列八景曰鄧巘仙亭

大甕山縣南十里林木森秀雲迷必雨

丁郎山縣東十三里一名蝴蝶山山上有漢孝子



丁密舊居麓有丁郎村詳見孝行山土音與字  
巾子山在縣十里俗傳黃巢駐兵處

烏峽山縣西北十五里接藤縣界有廢牛兒營壁  
立千仞縣治門戶

馬鞍山在東北十里羅許村

將軍山縣南十五里有營壘舊址

觀音山縣東十三里

六片山縣西北十五里西瀧山外有隘

排侯山縣西十七里隘口路險

大暈山縣東二十里有獨山廢營

禾倉山縣北二十里秋風村有石室在山巔

鷄頭山縣西十五里

高城山縣北二十二里蟠結縣南勢競高遠山有

一巨石偃倭如立人形土人呼為石人嶺西下即

藤縣界有廢營

林丁山縣西二十三里山徑險隘

綠楊山縣西北二十四里

冷水山縣西二十五里山側臨水

都盆山縣南三十里一名羅城山一名馬嶺層巒

疊嶂山下有峽路通連城鄉



雙貴山縣東三十里俗名雙髻山

天堂山縣南四十里有廢營

青墨山縣西四十里與容縣交界昔為盜魁陳選

巢穴

綠袍山縣西北四十里

廷薄山縣西南四十五里

三髻山縣南五十里一名鷄冠山

龜殿山縣西五十里

掛榜山縣西六十里

紗帽山縣西南六十里

六葵山縣南六十里有龍潭祈雨於此

交椅山縣南七十里

周婆山縣東北七十里高百餘丈尖斜如曲筍在

黎洞獠地與周公山對峙舊志云向時大征官兵

尚未得至

周公山縣東北七十里松棚山獠住其下極險峻

昔為賊巢窟

石鼓山縣南七十五里石壁磊落扣之如鼓聲臨

皇華江四大王灘

勝洞山縣東南八十里



土柱山縣西八十里連城鄉與容縣交界尖秀如  
文筆

雲胎山縣東南九十里

腰峩山縣東北一百里與蒼梧縣交界按名勝志  
云崢嶸秀特一名秀峯

黃陵山縣東一百十里東方隘口路入廣東西寧

風雷山縣東北一百十里與蒼梧縣交界

鐵根山縣東一百里

雲會山縣南一百里雲聚必雨背名金鎖嶺

能習山縣東一百里一名能達出鉛礦

鳳凰山縣南一百三十里形勢高絕右有掛榜石  
大峒叅將府在其東

望高嶺縣北一里城枕其麓可資登眺上有社稷  
壇

葛仙巖在縣北七里巾子山麓有瀑布如匹練冬  
夏不涸列八景曰葛巖瀑布

白象巖縣東十七里秋風村巉巖石穴如室可容  
十餘人磴道曲折而上遊者有摩天弄雲之致左  
右有鐘磬鯨魚三石扣之各如其聲列八景曰秋  
風石室



孔陵岡縣東南十八里西麓路通大峒

甘桐嶺縣東北二十里路通北科

望里嶺縣東二十二里麓有龍潭列入景曰龍潭  
聽雨

奔塘峽在縣東三十里永業鄉

通天嶺縣東南四十里高峻絕倫路通廣東西寧  
縣界皆卽北科鎮

水嶺峽鳳凰山南一百四十里與廣東信宜縣交  
界下臨溪水

潘洞江縣西二十里圖經云源出鳳凰巢經故南

儀州通舟楫西流入藤合繡江

皇華江在縣南源出西寧懷鄉至欖灘村下入岑  
白人隘西歷水汶平河南渡至水口村入藤合繡  
江舊稱江出皇華山下故名然考江之上源無皇  
華山或以其流經南渡司又名南渡河云

瀧底江源出縣東南一百餘里鳳凰山黃陵山及  
西寧縣排埠流遶城南西下十里至西瀧山水行  
石罅中舟不能下陸行里許復可行舟故曰瀧底  
流至舊藤縣對岸義昌汛下入繡江卽今之義昌  
江



百花洲在城西河中列八景曰春泛花洲

龍船河在西瀧山西六凡山南流至百花洲前入

縣前河

赤水河自大甕山流出至城嚴村北入縣前河

古眉河自石人山流出經古眉村西入縣前河

羅末水其源一出黃嶺山一出將軍山一出古欖

山一出安西堡過排候山脚至羅末村東合而為

一流至水口村入皇華江

孔扎河出山心北流至思孟入縣前河

荔黃水出探花山左至荔黃村下入皇華江

林丁河出上林丁流入皇華江

思回河出太平洞流遠至思回村下入縣前河

魚修河出大甕山背黃沙村流至魚修村下入皇

華江

龍潭在縣東歸義鄉水源出七山至望思嶺脚停

蓄成潭其深莫測久旱禱雨輒應列入景曰潭洞

龍湫

懷集縣

天馬山縣南五里山間有水明季梁元祖鑿石開

圳運水灌田



白鶴山縣西南五十里常有白鶴棲止山上有二石如鶴手微撼之卽動鄉人禱雨於上輒應山下有珠投石又名諸仙石有古巖時騰雲氣水自西流東正月十八日四方遊人接踵俗謂踏青忠謹山縣西六十里以其靈秀所鍾人多忠謹故名上有龍潭鳳影爲一方勝概

哆囉山縣西六十里與忠謹山相連哆囉水出其下

清水山縣西六十里山下出泉灌田數十頃荔枝山縣西七十里

寧崗山縣西七十里一名三寶山羣峯叠出竹木叢生

金鷺山縣西七十里山下有水昔傳見鷺羣遊因淘沙得金故名

黃薑山縣北七十里通大歇嶺明季設營防守蘭崗山縣西北八十里山多蘭亦撫猺所居路通下帥三江石田至八排

掛榜山縣西南八十里秋闈出火如炬卽應登科松栢山縣西北八十五里上多松栢撫猺居之舊設營防守



會龍山縣北八十五里四峯秀立

亞帥山縣北九十里桃花白沙二水發源於此

牛欄山縣西北九十里山頂有路通賀縣

梅子山縣東一百里壁立如削中多梅樹掩映成林與廣東廣寧縣分界

齊嶽山縣北一百一十里高類衡嶽故名有水出峻壁冬夏不枯山腰有銅鐘一鐵鐘一劉宋所鑄年號尙存相傳銅鐘自鳴風雨輒應禱雨者常詣焉下有一山卽以銅鐘名溫水出其麓寒日可浴流遠亦能灌田

筆架山縣西南一百二十里三峯並峙學宮面之列八景曰筆架文峯

將軍山縣北一百二十里雙峯峭拔

登仙山縣東南一百三十里其麓二石壁對峙壁上石橋橫架壁間清泉一泓石几石凳釣魚臺列於傍相傳有道人修煉於此後不知所終

雲頭山縣南一百三十里兩山相並常有雲氣出沒其間

滿洞山縣北一百三十里高亘平延爲將軍會龍諸山之祖上有天池



白崖山縣西南一百五十里山嶺險峻白石楚楚望之如雪故名一名蓬崖山

戴帽山縣東與梅子山相近烟嵐覆頂如戴帽然懷高嶺縣西半里縣之得名以此

天勝嶺縣東半里下有古塔上有池四時不涸

蓮花嶺縣北二里爲縣治主山舊有蓮花寺

旗嶺縣西二十里

望夫石縣東北三十里石在山巔象形爲名下有大池名媳婦塘

雙旗嶺縣北五十里每歲三月朔鄉人賽神於此

紗帽嶺縣西五十里上有李水曹塚相傳昇仙祈雨有應

四門巖縣西五十里平地突起數百丈狀如覆鐘下有石室外闢四門其中平敞可容數百人巖中石乳下垂凝爲石柱者八石蓮花者一因名花石洞明天順間居民避寇於此又名花石寨中有清牛洞旁有望仙臺釣魚磯

燕嶺縣西六十里其高半於忠讜大燕小燕雙峯遠連望若差池飛羽列懷陽八景曰燕嶺樵歌

獨秀嶺縣西六十里一名佛嶺自忠讜山綿亘透



迤斷而復續四望曠遠突立其中故名上有盤古廟禱雨輒應

三潮巖縣西六十里忠讜山麓土山石洞秉燭深八曲折無窮自東達西三度水而後出巖外中多石乳類人物劉仙女漿紗石尤爲奇絕下有石竇三四尺許泉水微流每至潮信竇內颯然有聲須臾湧沸舊傳潮日三至今惟春夏有泉微瀉山下俱藉灌溉三潮其舊名也

燕巖在三潮巖西南三里山峻峭洞口開敞多燕巢故名八洞門約百餘步石平如砥可坐百人石

乳懸結若墜復倚橫枝一木如屋梁有石垂地如人拱立狀俗呼爲石僧上有石棋局旁二石似對奕者世傳劉三妹坐化於此巖旁有劉三妹祠有水自潮巖來穿入洞中北出廣東開建縣合梧江洞右岸有石田左水崖石壁上有女人鞋樣大四五寸長一尺有半土人呼曰仙子遺鞋最上有十二洞明季知縣李盤構亭洞口以憇遊人并禁民捕燕

鰲巖在燕巖之北有三洞門復進數十步洞門亦如之門內有石如人倒卧非列炬不能行



六祖巖縣西北六十里一名上愛嶺相傳六祖駐錫處有佛座可容二三十人歲旱禱雨輒應

三藏石在縣西六十里白黎村登之可望百里向北有洞可容數十人南五里有仙人鞞石形如鞞韞峭直難上其凹處有池上有異果

雙石巖縣西六十里巖極廣濶持火入甚深窈建有永寧寺春月遊者頗衆

雙髻巖縣北六十五里有九子母像求嗣頗應

登雲嶺縣北八十里有登雲觀秀拔入雲當學宮後爲邑中科第之應

胡巖縣西八十里徑窄而暗其中明敞滴乳凝結爲珠玉纓珞鳥獸龍蛇之類甚多

坑尾巖縣北八十里平地突起石紋如笏入巖深丈餘卽渡水懸炬而進

黃茅嶺縣北一百里黃甲水出其下

石詣嶺在冷坑崗上有巨石若榜鄉人所禱輒應下有鍾孝子祠

冲天巖在四門巖東一名望仙臺邑人梁允璋允玳鑿石磴九曲一百六十級緣崖以登鐫雲鳥穿飛四大字巖中有石蹲伏如虎



望嶽巖在冲天巖東一名白鳩巖正對齊嶽兩峯  
邑人梁允玳開鑿高廣十餘丈題曰白雲莊中有  
素書臺前有生明池白鶴多聚焉

蓮花巖在四門巖北石巔插漢宛若擎蓮一名觀  
音巖上有飛來觀音像

道士巖在蓮花巖北宏做玲瓏一名六龍洞中有  
石如藥竈丹爐几榻鐘鼓等狀旁一洞少暗題曰  
迷仙洞

雲女巖在道士巖西石峯聳削巖北有石小而長  
名曰石女讖曰雲淹石女水流春杵

遊仙巖在道士巖東二里有石如龍名化龍石又  
有石如人峙立巖左

天馬巖在冲天巖北山巔有石如馬石下有四巖  
北巖緣崖而登石牀天成南巖外明內晦名潛龍  
洞洞下有穴深黑不可測俗傳久旱時內有白馬  
出嘶風雨立至

釣魚臺在懷溪南岸盤石如砥廣三丈許下有深  
潭多白魚游泳

禾倉石在釣魚臺右橫亘若虬龍屹然與學宮相  
映舊有達觀樓知縣林春茂建今廢



懷溪水在縣西南一名南溪源發銅鐘伏地中行數百步復出東流合牛欄水經蘭峒合古城水經馬寧下范鐵渡合赤水經欄馬合冷坑水經黃岡合下湖水經懷高合白沙水名三江口南下設廠權稅名河利遶城東流合甘崗水經象角合桃花水至大廟峽下合永固水經廣東四會縣入海列八景曰南溪古渡

赤水源發清水尾至西廟下一名西廟水合開建縣莫羅村小水入大溪

下湖水在縣西南源出登仙山入大溪

宿泊水在縣西南源出白鶴山經馬田圳合忠讜山水入大溪

哆囉水在縣西源出忠讜山鷄頭嶺自哆囉山出有龍潭廣濶百步淵深難量怪物時見古禱雨處也經燕巖合開建縣金莊水入海八景曰龍灣漁笛殆指此歟

佛燈水在縣北源出登雲嶺列八景曰佛燈晚晴甘崗水在縣西源出登仙山入大溪詳古蹟桃花水在縣東源出戴帽山至象角入大溪舊於象角設廠權稅因名象角水



黃甲水在縣北一名冷坑水發源黃茅嶺至欄馬渡八大溪

沙田在梁村北水勢灣環溝塍綺錯村農耕者以萬計列八景曰沙田春雨

永固水在縣南發源白崖山出南鄉口會大溪入海

白沙水源出廣東連山縣之小白山至木邑下帥合三江水流至將軍鳳凰灘合三圳水南流至三江口八大溪

按輿地志云廣信之壽鄉有孤岩岩有斑石石

皆五色太康地道志猛陵龍山合水所出名勝志載舊圖經云宋臨水在郡城南後漢郡守陳穉升郡事暇時釣魚於此隋書地理志云戎城有農山岑溪有郡山文獻通考云鐔津有鉛穴瘴江岑溪有蘇羅山龍驤水懷集有驃山名勝志云驃山疑卽天馬山古今異名並無所考姑附於山水之末



州效山水文末

志云黑山對臨天馬山古今異名並無源流

獻氏岑巖首蒲羅山前縣水對美并驪山

首曼山岑巖亦嶽山交嶺後漢云駝駝

縣長源事如報沙魚嶺山部書世里志云

志據晉圖經云宋細水五源始南

天泉此嶽志益刻前山合水



